


開
化
府
志
卷二
冊

EW 350.207

136

12



建置

沿革坊表

城池古蹟

倉庫

公廨



古者大封建置城守俾大小相維犬牙相制斯固不易之恒規也然而因地制宜經緯調劑則不能無待焉我

國家疆土式廓布置周詳因革損益之善炳古彪今夫何間然開化舊屬土司異域殊方登諸版籍特設重鎮保障南邦豈非控制交夷之要塞歟官於是者守重閉之經思設險之義象桑土綢繆之善策洵所為撫綏得宜惠威並著於以作翰藩服遠人壯國勢而固金湯也豈不盛哉志建置沿革城池倉庫公廨坊

開化府誌

卷之二

建置

表古蹟寺觀

建置

開化古紅夷國在西南徼外漢通西南彝置郡縣史載句町為臨安府則開化亦句町地也南越平唐屬牂牁郡接壤交州東爨通安南後沒於南詔蒙氏據為強現牙車教化三部宋為段思平竊據皇佑五年狄青征儂智高萬人龍海基鄉導有功始命領其地元為強現三部隸雲南宣慰司明洪武初改強現三部為教化三部與王弄部安南部並為長官司隸臨安府

本朝因之康熙四年土酋王朝聚沙定洲餘黨同祿昌賢

等叛伏誅六年以教化王弄安南三長官司地置開化府隸雲南布政司八年裁廣西府之維摩州以維摩鄉之地分入焉雍正八年置文山縣附郭

總部

郡

州縣

唐虞

西南徼外

夏商

梁州域

周

句町國邊地

戰國

屬楚

秦

通道置吏

漢

益州

牂牁郡

開化府誌

卷之二

建置

二

後漢

益州

郡同前

三國漢益州

興古郡

晉寧州

興古郡

宋寧州

興古郡

齊寧州鎮

郡同前

梁南寧州

郡同前

陳沒於蠻

隋南寧州

唐黔州都督府

牂牁州

蒙氏據

通海都督府

牙車部強現部教化部

五代

鄭買嗣據
趙善政據
楊干貞據
段思平據
段氏據

通海郡

部同前

宋

阿剌萬戶府

捨資千戶所

部同前

元

雲南行中書省臨安路宣慰司強現三部

明

雲南布政司
臨安府

教化三部長官司
安南長官司
王弄長官司

本朝

雲南布政司
開化府

文山縣

沿革

堯因顓頊所建九州西南為梁州

文獻通考曰西方金剛其氣強梁故曰梁州地

開化府誌

卷之二

建置

三

域志曰其地羣山盤錯風烈土浮冬春恒暘夏秋多雨少冰雪四季繁卉木產五金鹽鐵錦毡布車渠巴貝之屬

楚莊躋略地至滇自稱為滇王 初楚頃襄王使莊躋將

兵循江上略巴蜀黔中以西躋至以兵威略定滇地

使部將小卜引兵收滇西諸夷屬楚欲歸報會秦司

馬錯攻楚黔中道塞躋遂以其衆王滇號曰滇國

秦使常頰畧通五尺道諸國頗置吏 皇輿表曰按各勝志云雲南門戶有四自

邛雅建昌會川渡金沙江入姚安白崖者古路也即南路秦常頰始通道至蜀諸葛孔明大闢之又曰石門道隋史萬歲南征所開唐韋臯治之起瀘州沂永寧走赤水達曲靖曰西路唐天寶中出師由之出湖湘轉辰沅經貴陽曰東路啟自莊躋而置驛則自明始由重慶綦江七縣至播州又六驛至貴州曰間道

武侯遣李恢關索道南征由之此皆由楚蜀而言若由廣西安南則岐愈多矣今安南國通滇要路則有蓮花灘蝴蝶昔元馬白關諸處俱開化府屬

漢武帝建元中始通西南夷以滇爲益州

六年遣大行王恢擊東粵因兵威使番禺令唐蒙風曉南越蒙乃上書曰誠以漢之強巴蜀之饒通夜郎道爲置吏甚易上許之乃拜蒙以中郎將從芑筰關入遂見夜郎侯多同厚賜諭以威德約爲置吏使其子爲令夜郎旁小邑皆貪漢繒帛以爲漢道遠終不能有也迺且聽蒙約還報乃以爲犍爲郡

元光六年以司馬相如爲中郎將及副使王然于等建

開化府誌

卷之二

建置

四

節徃使因巴蜀吏幣物以賂西夷皆請爲內臣除邊關關益斥西至沫若水南至牂牁爲徼通靈山道橋孫水以通邛都皆如南夷爲置一都尉十餘縣屬蜀元朔三年西南夷數反發兵與擊無功上患之使公孫弘徃視問還報言其不便上罷西夷獨置南夷

元狩元年遣博望侯張騫使西域始通滇國復事西南夷

元鼎六年平西南夷置五郡時馳義侯發南夷兵且蘭君反殺使者漢乃發巴蜀罪人當擊南越者擊之誅且蘭及邛君筰侯遂平南夷爲牂牁郡夜郎侯入朝

上以爲夜郎王西夷冉駹之屬皆震恐請臣置吏
元封二年秋遣將軍郭昌發兵擊滇滇王降置益州郡
成帝和平二年兩夷相攻以陳立爲牂牁太守討平之
夜郎王興句町王禹漏臥侯俞更舉兵相攻議者以
爲道遠不可擊乃遣大中大夫張匡持節和解興等
不從命杜欽說大將軍鳳曰蠻夷輕易漢使不憚國
威恐議者選更復守和解則復曠一時使彼得收獵
其衆以相殄滅自知罪成狂犯守尉遠滅溫暑毒草
之地雖有孫吳將賁育士若入水火往必焦沒知勇
無所施宜因其罪惡未成未疑漢家加誅陰勅旁郡

開化府誌

卷之二

建置

五

守尉練士馬大司農豫調穀積要害處選任職太守
往以秋涼時入誅其王侯尤不軌者卽以爲不毛之
地無用之民不以勞中國宜罷郡放棄其民絕其王
侯勿復通如以先帝所立累世之功不可墮壞亦宜
因其萌芽早斷絕之及已成形然後戰師則萬姓被
害鳳於是薦陳立爲牂牁太守立至諭告興與又不
從立乃從吏數十人出行縣至興國召興至立教責
因斷頭出曉士衆以興頭示之皆釋兵降禹俞震恐
入粟牛羊勞吏士西夷遂平

新莽始建國之四年西南夷殺牂牁大尹貉人入邊

初五威將帥出西南夷改句町王爲侯王邯怨怒莽
諷牂牁大尹周歆詐殺邯邯弟承起兵殺歆州郡擊
之不能服莽又發高句驪兵擊匈奴不欲行彊迫之
亡出塞犯法爲寇嚴尤奏宜令州郡且慰安之今匈
奴未克夫餘濊貉復起此大憂也莽不聽詔尤擊之
尤誘高句驪侯騶至而許焉於是貉人愈犯邊東北
西南皆亂莽志方盛以爲四夷不足吞滅專念稽古
之事

蜀漢建興三年益州渠帥雍闓反諸葛亮南征所在戰捷
益州永昌牂牁越巂四郡皆平卽渠率而用之以仁

開化府誌

卷之二

建置

六

果十五世孫龍佑那爲蠻長賜姓張氏改益州郡爲
建寧郡分建寧永昌立雲南郡建寧牂牁立興古郡

今城北六十里有諸葛山相傳
武侯南征駐節於此壁壘猶存

晉武帝泰始二年分益州置梁州

七年分益州之建寧永昌雲南興古四郡爲寧州統縣
四十五

泰康三年復廢寧州入益州立南夷校尉以護之監五
十八部蠻族

惠帝太安二年分建寧以西之七縣別立爲益州郡
懷帝永嘉二年改益州郡爲晉寧郡分牂牁立平夷夜

郎二郡

五年分興古之東立西平郡

成帝咸和八年李雄遣將李壽陷寧州寧州刺史尹奉

舉城降分興古為梁水郡先是太安元年李特起兵

於蜀尋僭號漢益州郡縣皆沒於特其後李雄又分

漢嘉蜀二郡立沉黎漢原二郡李壽又分寧州之興

古永昌雲南朱提越嵩河陽六郡為漢州郡縣沒于

李氏者四十六年而江左仍遙置之

太元八年秦符堅敗晉復有南中

宋文帝元嘉十八年十二月晉寧太守爨松子反寧州刺

開化府誌

卷之二

建置

七

史徐循討平之復置寧州領興古牂牁等凡十五郡

齊高帝建元元年置寧州鎮領興古牂牁等三十郡滇史曰南

土自永嘉分崩李雄竊據蕪廢百七十年無可推訪

大約滇東為爨蠻占據滇西九隆諸族漸大自雄中國聲教不及唯都督有寧益街而已

梁武帝太清二年爨瓚竊據牂牁興古等郡時徐文盛討

侯景於貝磯爨瓚據其地延袤二千餘里朝廷不得

已授瓚寧州刺史瓚死子震翫分統其衆唐南蠻傳曰兩爨蠻

分東西黑白二種自由曲州靖州西南昆州曲軌晉寧

喻獻安寧距龍和城通謂之西爨白蠻自彌鹿升麻

二川南至步頭謂之東爨烏蠻通志曰初爨氏有東

靖州昆州安寧等處黑爨據昆陽新興寧州威楚等處按曲州靖州在今山靖昆陽安寧晉寧今為州彌

鹿今廣西府步頭
今建水州餘未詳

陳地沒於蠻蠻

隋高祖開皇中瓚子震翫遣使朝貢命韋世冲以兵戍之

置牂牁

煬帝末謝趙諸蠻分據其地

唐高祖武德初遣使至南中招降其部落復置南寧州

三年以牂牁首領謝蠻地置牂州以牂牁蠻別都置充

州隸黔州都督府

元史曰臨安廣西隋唐屬牂州明一統志與皇輿表亦云然按隋志

曰牂牁郡開皇初置牂州統縣二牂牁實化又曰牂牁帶郡唐志曰牂州武德三年以牂牁首領謝龍羽

地置四年更名牂州後復故名

開化府誌

卷之二

建置

八

七年命韋仁壽檢校南寧州都督將兵周歷數千里蠻

夷望風歸附承制置七州十五縣各以豪帥為刺史

縣令

按唐書曰唐興初未暇於四裔即其部落列置州郡以其首領為都督刺史皆得世襲號為羈

縻州 滇國一統志曰南寧州本漢夷州地唐初於此置南寧州後沒於蠻

天寶九年蒙舍僭國號曰大蒙

德宗興元初蒙舍改國號曰大理時蒙氏置通海都督

府領牙車部強現部教化部各以渠帥制之

昭宗天復二年鄭買嗣篡立僭號大長和國

後唐明宗天成三年趙善政立改國號曰大天興國

四年楊于貞廢趙善政自立改國號曰大義寧國

後晉高祖天福元年通海節度使段思平討楊干貞按通志曰段氏先為武威郡白人自段忠國佐蒙氏為清平官六傳至思平為通海節度使思平生有異兆為楊干貞所忌欲圖之遂逃匿至是借兵東方黑爨松爨三十七部會於石城干貞敗走永昌思平遂有其國滇考曰蒙詔起西洱間久已并六詔為一惟滇東尚為諸蠻分據故種類互異至段思平以通海節度使得國遂獲全滇之地在滇西者七節度十賧亦仍蒙氏之名在滇東者三十七部牙車部強現部教化部三部皆其地也

二年段思平自立僭號大理國

宋太祖乾德三年王全斌獻圖請取滇不從 全斌既平

開化府誌

卷之二

建置

九

蜀欲因兵威取滇獻圖於上太祖鑒唐之禍以玉斧畫大渡河曰此外非吾有也由是雲南與中國隔絕遂為段氏竊據

仁宗皇佑四年狄青征廣南儂智高寓人龍海基鄉導

有功始命領其地時地俗號些得時雅得時因名阿

雅維摩六詔朶那白謹耳大小教化咸為所屬龍氏

之有開化自海基始也海基死子龍老穆繼老穆死子龍穆

子龍老穆繼老穆死子龍穆等繼穆等死子龍等根繼等根死龍南詔繼南詔死龍紹補繼紹補死子龍補亞繼補亞死子龍弘健繼

弘健死龍健能嗣

元憲宗三年命太弟與兀良合台征雲南諸部悉平得五

城八府四郡三十七部

六年立阿夔萬戶府於安南時龍健能子龍股宗猶據

阿雅股宗死子龍宗門繼宗門死宗門子龍門鼓繼

吳繼黨吳死黨
吳子龍者納繼

七年改阿夔萬戶府為南路總管府

十年立雲南中書省

十三年改南路為臨安路領捨資千戶所

二十一年立臨安廣西道宣撫司

明洪武十四年遣將平滇時元梁王下檄徵兵龍者寧龍者

納子應調至陸涼羅雄界赴轅歸款事詳師旅考

開化府誌

卷之二

建置

十

十五年以臨安路為臨安宣慰司時龍者寧從征交趾

有功事詳師旅考加雲南衛指揮職銜先是王弄安南維

摩等處屬阿雅管轄後令舍人分管年久富強漸不

遵宗長約束至是俱改姓率部民歸服官兵各憑私

念附屬廣西臨安二府於是頒降印信為王弄長官

司安南長官司教化三部長官司

永樂十一年龍者寧入貢京師欽賜紵絲紗錠加四品

服色直隸雲南布政司者寧死龍宜繼宜死龍保繼

死龍古繼古死龍鳳翔繼鳳翔死龍敬繼敬死勝安

繼勝安死龍上登繼上登生萬曆間性嗜書始興學
校然不嫻弓馬以故安南沙源
王弄烏騰鳳等漸鴛驚不可制

本朝康熙六年置開化府領永定州尋罷永定專設府治
先是王弄王朔聚沙定洲餘黨率教化張長壽枯木
龍元慶八寨李成林牛羊儂得功維摩沈應麟沈兆
麟等謀叛旋討平之因置府焉

八年廢維摩州以其地分隸開化按維摩原教化司地
後併入廣西置州尋廢州附邱北以其鄉撥歸開化
雍正八年設文山縣附開化府先是開化設府因教化
王弄安南三長官司地暨牛羊新現八寨古木維摩
陸竜等處編爲八里改教化司爲開化里安南司爲
安南里王弄司爲王弄里八寨司爲永平里牛羊土

開化府誌

卷之二

建置

十一

司爲東安里陸竜新現爲樂農里維摩爲江那里古
木司爲逢春里皆以土司苗裔催徵該里錢糧赴府
完納置知府同知通判經歷統治焉至是總督鄂爾
泰議裁通判經歷缺添設縣治具

奏請

旨

詔報曰可我

皇上

欽定文山縣之名照沿簡例置知縣典史等官爲開化府
屬附郭

嘉慶二十五年總督伯麟

奏准改馬白同知爲安平撫彝同知分管東安逢春永平三里設司獄壹員其開化王弄安南樂農江那五里仍屬文山縣管理

道光三年增設江那縣丞

城池

開化舊無城康熙七年知府劉訢始築土爲垣覆木爲簷樓櫓悉備歷年因之乾隆八年總督張允隨

題請委知縣朱興燕改築磚城下基以石長七百二十八丈高一丈八尺周圍四里一分設四門東曰鍾秀南

開化府志

卷之二

建置

三

曰薰阜西曰威遠北曰望華城樓炮臺各四涵硿十盤龍河三面環繞因以爲池自此巖疆重鎮永固金湯矣迨乾隆二十六年七月因西門內外城基崩塌城樓捲硿並左右城牆俱傾前縣伍澤槩捐廉修補至嘉慶元年西門城樓復欹倒塌一角其東南北三門城垣坍塌損者亦多前縣史紹登詳報前藩憲陳督憲勒共請銷銀陸千肆百柒拾兩零修理完竣保固限外自嘉慶二十年五月起至今止中間被雨水淋瀝坍塌過甚屢經前縣荆烜游朝佐林大樹彭大僑各任內詳請動項修建奉准大部飭令估報興修嗣

奉文欽奉

諭旨不得擅動地丁其銅息鑄息等款除年例支放外所
存餘銀無幾於開郡坍塌城垣應行暫緩辦理又奉
准戶部摺

奏見在軍務孔亟用項浩繁自不能不予可緩之處是
以迄今尚未估辦大抵西城之所以屢修屢傾者以
緊瀕河埂其地盤下皆滑石層疊遞年潮濕加以雨
水上淋河水下齧安得牢實堅久計惟於崩河坎上
首引河勢直入火神廟前斜穿而南則西城一帶人
家平穩且讓出菜園前一帶地方可以開設前後兩

開化府志

卷之二

建置

三

街或作墟場貨市是亦一美觀也而郭門則善風鑑
者度其朝向所宜城闌亦可保無虞矣蓋詳查河勢
每水漲必直穿菜園斜出火神廟前向南而去餘波
乃冲西城其穿菜園過火神廟所經不上一里止費
三百金卽可以引過也奈凡常安其固陋之習難與
慮始何哉

倉庫

大有倉

在城東門內原係開化府經管倉六座二十四

一座五間

乾隆六年知縣朱興燕添建二座七間

二十一年知縣謝千子添建一座三間計倉十座三

十九間取仁義禮智信豐盈裕泰新字號嘉慶二

十五年安平廳既分管三庫應置倉廩署同知葉申

鄉詳請於文山縣舊有廩座內撥豐盈泰三號倉廩
十三間歸安平添蓋倉神祠等房十一間

常平倉 在大有倉內
仁豐泰三號

本城社倉 在南門內
三間今廢

逢春里社倉 在馬白下
寨三間

安南里社倉 在老寨
三間

江那里社倉 在本街
三間

新現社倉 在本寨
二間

大窩子社倉 在本寨三間以上社
倉俱屬雍正二年建

知府庫

同知庫

開化府志

卷之二

建置

十四

知縣庫 俱在各
署內

軍器火藥庫 共九間左
鎮署內

公廨

知府署 在城南門內向南康熙六年改土設流知府劉
訢初建土階茅茨僅蔽風雨至二十三年知府

石文晟建大堂二堂任房後樓並花廳各三楹三十
七年知府張仲信建大門二門並兩廂書房吏房以
後知府隨時增修今現存者大門三間鼓蓬二間儀
門三間土地祠一間官廳一間大堂三間兩廊書辦
房班房十四間二堂三間三堂三間厨房三間茶房
一間船房五間書房三間庫房三間後樓三間陪房
二間上任房五間左右陪房二間下任房五間花
廳三間箭廳三間馬王廟三間知府湯大賓建

同知署 載舊
志

安平廳同知署 即舊同知署地基改造按開化同知署
康熙六年建於馬白關知府劉訢移置

府署右以後同知接續修補原係清軍督捕水利關防專管邊務至嘉慶二十五年經督撫奏准將馬白同知改為分防安平撫彝同知仍管邊防稅務分管東安逢春永平三里命盜案件署同知葉申薌請領帑項卽就府署右舊同知署添蓋書差房屋六間同知周炳歷任以來通行折修陸續添建樓房大門三間頭門三間左右耳房二間差房六間儀門三間書辦房十八間大堂三間宅門一道門房三間書舍三間茶房二間二堂三間西花廳三間陪房三間廚房三間三堂三間東耳房三間西陪房四間西耳房三間改建安牘土地神祠三間

司獄署

在安平署樓門內東首大門三間羣房三間土地祠一間儀門一道花廳三間茶房一間大堂

三間二堂三間宅門一道住房五間廚房一間共二十三間監獄一座在樓門內西首虎頭門一道更房二間女監一所內監門一道獄神堂一間散監二間藥王殿一間監房三大間俱係道光元年同知周炳請項督建

開化府志

卷之二

建置

五

教授署

在學宮左康熙三十二年同知柯鄧枚建大門一間大堂三間坐房三間書房一間廚房一間

嘉慶二十三年同知周炳因修建聖廟並修教授署大門一間儀門一間大堂三間正房三間西廂房三間科房二間看司一間廚房一間較前宏敞矣

訓導署

原在新街書院旁康熙三十四年知府李錫建

大門一間坐樓三間廚房一間嘉慶二十三年同知周炳因修建聖廟並修訓導署大門三間大堂三間大樓三間亦較前周備

文山縣署

在城西門內雍正八年改設卽舊通判署大門三間儀門三間大堂三間二堂三間住房

廂房內外書房三十三間土地祠一間今仍其舊

縣丞署

在江那街道光三年新建大門大堂住房書房差房三十間照壁圍牆俱備

典史署

在縣署右雍正八年建大門一間大堂三間土地祠一間住房三間班房三間監倉六間

武職公署

總兵署

在南門內康熙七年建轅門六間大門三間二門五間大堂五間二堂三間坐樓五間外廂房十四間內廂房六間東西箭廳六間書房班房倉庫馬房等七十六間

中營遊擊署

在城內十字街康熙七年建

左營都司署

在西門內縣署在康熙七年建

右營都司署

在東門內康熙七年建

中營守備署

在北門內乾隆十一年建

左營守備署

在西門內乾隆十一年建

右營守備署

在南門內乾隆十一年建

演武廳

在城北三里

開化府志

卷之二

建置

六

附 土經歷署

在城北一百三十里三板橋寨

僧綱道紀陰陽醫學

舊設官廨無考官亦不備今已逐項僉設俱係私宅無定署

坊表

文明坊

在學宮內乾隆二十二年知府湯大賓建

顯靈坊

在城隍祠內

忠烈坊

在城南門外雍正十年知府宮爾勸為忠烈楊天堦及妻聞氏女鳳姐二妹建

節孝坊

在城南門外雍正三年知府佟世佑為節婦王大周妻李氏建一在新街書院側乾隆四十八年為陳顯璠妻潘氏建一在南門內

貞烈坊

一在十字街雲貴總督巴錫為貞女郭氏三妹建一在江那汎乾隆二十八年知縣

嘉慶二十三年知縣荆烜為馬氏建

嘉慶二十三年知縣荆烜為馬氏建

嘉慶二十三年知縣荆烜為馬氏建

彰善坊 癩惡坊 俱在小西門外乾隆二十三年知府湯大賓建

百歲坊 嘉慶十七年 為蕪蕪建

院所

講約所 在大興寺

養濟院 在本城西門外新街瓦蓋正房三間苦片蓋左

者腊寨一在在毋結寨一在小禾木坎年共收京石租穀陸拾捌石

棲流所 在西門外牛羊坡側正房三間左右廂房各四

府縣原典平壩法古二寨田價銀陸拾伍兩前縣王

令捐添銀壹百肆拾伍兩共銀貳百壹拾兩杜買得

王弄里任民李若桂糧田叁分坐落該里尾列可寨

額糧壹斗捌升均歸佃戶完納每年實收京斗租穀

叁拾陸石一追出前任原典板枝花寨田價銀伍拾

兩前縣王令捐添銀貳兩零買備工料建蓋舖面伍

開化府志 卷之二 建置 十七

間給舖戶開張年收租銀拾伍兩 以上田租房租

年收租銀叁拾叁兩作內外孤貧染病藥餌病故棺

殮嚴寒製給棉衣布褲之用

義材會 始自乾隆三十二年監生吳從琳祖父之澤庠

人各捐銀三兩共銀九十六兩吳揚兩家生放歷年

計本利積至千餘金買得溝絞田 畝每年收租穀

木數十口或百餘口不等泊諸首事去世之後竟至

負債三百金以兩處田租抽當停棺不施者十三年

亭樹

八角亭 在府西南門外舊名吸月為郡治之來脈培助

龍氣年久傾圮乾隆九年中營遊擊張倫郡人

李占魁倡眾捐建更名葆元亭知縣朱興燕為文記

之自嘉慶初年以來傾圮風脉所關法宜重建

心鏡亭 先名柔遠亭在綴景園中通判唐光椿創建總兵王大綬重修今廢

涼亭 在牛羊坡今廢

來青亭 在綠蘿山今廢

水月閣 在南橋頭知縣曹國炳建上奉觀音大士

君子亭 在同知署內已圯道光六年周炳重建附以跋云開化乃臨安三長官司地也康熙六年改土

歸流設府丞倅八年易通判而隸縣焉同知移駐馬白關極邊烟瘴歷任往往難之三十二年郡丞柯鄧枚建官舍於斯當其時也邊防簡要處之泰然人謂一無所爭立亭以為射圃因名曰君子亭春秋二百度矣關市譏而不征或相信徙近將三里分隸安平責以地方之事射圃改為辦公之所案牘勞形頗有今昔之感移其向之所在而立焉非徒以存乎名也將謂有以君子之道風已風人之意云爾

古蹟

開化府志

卷之二

建置

六

安南廢城 在城西一百四十里本阿夔蠻所居舊名哀右又名捨資部元置千戶明初改為長官司

正德六年省入蒙自縣天啟二年復給司印以王弄長官司沙源兼管明末源子定洲謀叛伏誅其兵頭

王朔遂有其地 本朝康熙四年湖與祿昌賢等叛滅之城址尚存

教化舊城 城西四十里波些山下明長官司張德勝所居基址尚存

王弄舊城 城西八十里明王弄司烏騰鳳築後為沙源據

維摩舊城 城北七十里江那界內土酋沈應麟沈兆麟所居

古木城 即枯木治南三十五里明副長官司龍勝全築後龍元慶據此以叛

阿雅城 明土司龍上登築即今八寨尚有遺址

史拱城 明長官司龍者寧居此

法土竜城 治東北三十里在麒麟山上下有清泉可資灌溉

鎮呂城 治西七十里明
土司烏志德築

西山古城 治西
七里

陸龜故城 今名樂農沙定
洲據故趾猶存

那代廢城 在新現土酋
何起龍據

科麻城 治東北百六
十里址存

底宜故城 治西七
十里

弓革城 治東北百
三十里

石城 在新現阿打克山嶺山下有井旁立石碑字跡磨
滅難辨紫竹繁茂人不敢伐沿路石街迤邐到城
內有棕樹百株確磨軍器諸物人取之即中毒
死其城四面石壁惟一徑可通不知何時創造

五女山城 明土司
龍古築

開化府誌 卷之二

建置

十九

洪衣關 明交趾黎利叛成山侯王通帥師還黔國公沐
晟以土司龍宜有勇畧飭令設關把守今其地
在治南馬白

梅子箐間

大窩關 在新現交崗之上明
置之以為防禦今廢

楊柳河關 前明
置

綴景園 在城西法古塘右有心鏡亭飛
虹橋四面水繞花木蒼鬱今廢

孔公堤 又名硯塘開地風高居民屢遭回祿康熙四
十二年知府孔毓珣築堤蓄水以為之防

革洒故城 明土司龍祚築其地山高箐密人跡罕
至天陰時殺氣騰騰嘗聞人馬鼓樂聲

寺觀

火神廟 在北橋外
鐘林寺前

馬王廟 有三一在鐘林寺左一在大興寺
旁一在望松庵前三營以時致祭

關帝廟

一在府城西華山頂明土司龍氏建一在城西

老寨明土司沙氏建門外有古杉二株高十餘丈木

數十圍明初所植至今四百餘年一在城南古木寨

明土司龍氏建一在城東北探科寨土司龍元祚建

文昌宮

一在城西新現一在城南馬白一在城西馬腊底一

在鎮署旁乾隆二十二年署鎮李如栢建

魁星閣

一在城西鳴舊俱每歲二月三日士人致祭

三義廟

一在城西鳴舊俱每歲二月三日士人致祭

土王廟

一在城東南先農壇左俱每歲七月七日士人致祭

西嶽廟

一在城東南八寨明土司龍上登建今廢一在城

開化府誌

卷之二

蕭公廟

一在城東北門外乾隆二年江右客民公建

萬壽宮

一在城西南蓮花灘旁往

關索廟

一在城西南蓮花灘旁往

土地廟

一在城西南蓮花灘旁往

大興寺

一在城西南蓮花灘旁往

絡繹不絕

鐘林寺

一在城西南蓮花灘旁往

西華寺

一在城西南蓮花灘旁往

元天觀

一在城西南蓮花灘旁往

吉祥寺

一在城西南蓮花灘旁往

地藏寺 在城西牛羊坡康熙三十五年建

望松庵 在府西城脚寺對西華山昔山有古松一株勢如盤龍故庵名望松

壽佛寺 一在城北門外一在城西馬厓底一在城南枯木寨俱楚客公建

文殊寺 在城西獅子山

毘盧寺 在城西楊柳河

青龍寺 在城西老寨康熙五十五年建

綠蘿寺 在城西樂農里

三官廟 在城東迷董寨

觀音閣 一在城南老八寨一在城西北樂農里乾隆八年滇人張其俊倡眾建之一在城北三板橋土

經歷周天成建一在茶庵

開化府誌

卷之二

建置

十一

朝陽寺 在城南枯木寨

北廟 在城南布比寨

燃燈寺 在城西左母結寨

祥明寺 在城西新現舊名三教寺年久傾圮楚僧祥明募建故易今名

觀音寺 在城西華山麓

老君閣 在城西華山頂

張仙廟 在城北三板橋